





Arm. O. Num.
X. II. 80.

Conventus

Das buch Regimen sanitas
tis genannt. Daz ist. Wie sich d
mensch halten sol das er in ge
suntheit beleib.



Handwritten text, likely bleed-through from the reverse side of the page. The text is mirrored and difficult to decipher due to the paper's condition and the bleed-through effect. Some faint words are visible, such as "Handwritten text" and "Handwritten text".

Das ii **blat**

Wienach folget ein nützlich
regiment wer sich darnach hal
tet d mag sein leben lang in ge
suntheit behalten



Ob d heilig weis
sag beschreib vñ
spricht. Herze du
hast gesezt eyn
ende dem leben d
menschen das nie
mandt übergeen
mag. Vnd zu dez
selbē end das got
etnem jeklichen

gesezt hat kōment vil menschen nit vñnd
sterbend ee das jr end kōmpt. der seind vier
lej menschen. **Die** ersten seind die gerech-
ten sāligen mensche die got nympt auß di
sem leben vor irem end. als der weis Salo
mon spricht. **Captus est iustus.** Daz ist so
vil gesprochen. Der gerecht wirt auß disez
leben gezuht vor seinem end / das er von d
bosheyt der sünd zu dem bösen nit verkeret

Der erst **Teyl**

werd. Vnd das zucken auß diesem leben beschihet von besundern genaden vnd fürsichtigkeit gotes. ¶ Die andern menschen die zu irem rechten end nit kōmen. seind die fräuelichen sünd den von irer sünd wegen ir lebē wirt abgezogen. Vnd von den schreibt d̄ heilig David in dez psalter vnd spricht. *Vi ri sanguini et dolosi.* D̄z ist als vil gesprochen. Die mensche des plütes das ist d̄ sünden vnd der boßheit pringent ir tag nit zu halbem end. Vnd das ist die vrsach daz vil menschen jung sterbent. Darumb ob du länge wilt leben / so leb in gotes vorcht / wann wer gotzfürchtig ist / als d̄ weyß Salomō spricht. *Timor domini est fons.* Daz ist gesprochen. Gotes vorcht ist ei lebētiger prūn. Gotes vorcht gibt langes leben / dem wirt gegeben ein lebentiger prūn der genaden gotes vnd ein leben auf erden. ¶ Die dritte menschen die zu irez rechten end nit kōmen / seind die von geschicht in wasser / in feuer / od̄ in streyten schaden nement. ¶ Die vierden menschen die zu irem rechten end nit kōmen seind die / d̄ye do vnrordenlichen leben

Das **iii.** **blat**

mit essen mit trincken vnnnd mit vnkeüsch
Von den spricht der maister Galtenus. das
mer menschen sterben von vnoordnung ires
lebens dann rechtes todes. Vnnnd wer also
stirbt das ist grosse sünd/wann er ist schul
dig an jm selber. Darumb wiltu lang lebe
so bis mässig vnd halt dich ordenlich. Als
du hernach geschriben vindest in disez büch
volgestu diser ler so magstu lang leben. Le
best du aber vnoordenlich vnnnd volgest mit
der ler/das ist vrsach das du jung stirbest
vnd kümest nit zu deinem rechten end. Der
menschen leben ist gleich etner kerzen die
angezündet ist/prýnnt die on alle widwer
tigkeit. vnd läßt man die selber prýnnen bis
an das end das sy selb erlischt sy erlischt on
allen üblen geschmack oð rauch. löschet mā
sy aber fräuelich vor der rechten zeit des en
des so kompt dauon ein böser geschmacke
Des gleichē ist auch mit dē menschen. lebt
er ordenlich in mässigkeit so prýnnt er in wē
dig auß als ein kerz vnd erlischt. daz ist er
stirbt sensükliehen on grossen schmerzē. le
bet er aber vnoordenlichen so stirbt er des re

Der **e**rst **T**eyl

chten endes vnd so muß er von not wegē
berücklichen sterben Also hast du die vrsach
warumb ein mensch Fenster stirbt dann der
ander. Der menschen leben ist kurz vñ hat
mangerley widerwertikeit vnd siechtum.
Darumb hat got wider alle widerwärtig
keit dem menschen gegeben vñnd gelassen
zü steur mangerley hilf mit kraft d̄ kreüter
vnd lernmaister die on zweifel all jr krafft
vnd kunst von got haben als der weiß Sa
lomon spricht. Omnis sapientia a dño deo
est et cū illo. D̄z ist gesprochen. Alle weyß
heit ist von got dem herzn. vnd ist ewiglich
bey jm gewesen mit der d̄ mensch wid alle
widerwertikeit d̄ natur sich mag bewären
das er sällklich köme zū seinem rechte end.
Vñ darumb hab ich in besunderer lieb vñ
gedechtnuß dem edlen graffen Rudolf vñ
Hobenburg meinem genädigen herzn. vñ
frauen Margarethen geporn von T̄yer
stein seiner hauffrauen meiner genädigen
frauen weyß gesücht vnd zesamen gelesen
auf den bewärten maistern der natur vnd
d̄ ertzney. D̄ise nachgeschribne ler die mag

Das iiii. **blat**

man nennē Regimen sanitatis. Zu teütsch das büchlin vonn der ordnung der gesuntt heit. Das ist geteilt in vier teil/als mā her nach geschriben vindet.

Aristotiles schreibt zu deꝝ grossen künig Alexander diese nachgeschribne ler.

Aristotiles schreibt zu de künig Alexander in dem büch von d ordnung der fürsten also. Alexander wiltu gesund sei so soltu mercken was ich dir sagen will. Vnd hüt mit allem fleiß deins leybes das du die natürlichen hiez vñ feñchtheit nit verlierest. Vnd wer auch das nach d le re Aristotilis volbringen wil der muß wiß sen die natur der zeit im jar. Vnd wie er in jecklicher zeit leben sol. darüb sagt dýse ler zum erste vō de vier teýlē des jars. vō de lē zen. de Sumer. de herbst. vnd de wintter. Auch von de. xij. monaten. vnd de vier com plexē die ei jecklich mēsch vō natur zesamē sezen ist/daꝝ ein mēsch sein leben darnach künde regiern. Dꝝ ander teýl sagt wle sich d mensch mit essen vñ trinckē schlaffen vñ

Der erst Teyl

wachen/aderlassen vnd erezney halten sol.

Dz dritteil sagt von d pestilēcz: das ist so die menschen an den trūsen od plattern sere sterbend. **D**z vierd wie mā ein gesunden menschen erkennen sol.

Von dem gelencze.

Vier zeit seind im jar die du merckē solt Die erst ist der Lencz. der hebt sich an santt Peters tag an vor vashnacht. Vnd endet sich an sant vrbans tag. die selb zeit ist heiß vnd feücht von natur. vñ geleicht sich de z luft. In d selben zeit wechst dz plüt dz auch feücht vnd heÿß ist als er genatürt ist. Darumb alles dz feücht vnd heÿß ist dz ist güte in diser zeit. hüner. läpfleisch. güter wein aÿer seind gesund/sund in d zeit. Durch dz gancz jar ist nit besser erezneyen vñ adlass sen denn dise zeit/wann sy pringt alles dz wid dz durch dz gancz jar v̄schwūden ist.

Von dem Summer.

Die and zeit des jars ist d Summer. der heiß vñ treuckē ist. Zu d zeit wechst die Colera/dz ist dz schwarcz plüt. vñ gleicht sich de feür. dz auch heiß vñ treuckē ist. Vñ d co

Das v blat

lericus sol sich hüten vor allē dē das trucken ist/wenn das selb ist im den schedlich w3 kalt auch feucht ist d3 ist güt in dýser zeýt Vor allerhand erezney vnd vor lassen soll man sich hüten beý namē im Augsten. Mā sol selten baden. vnd sol sich ser hüten vor überessen vnd übertrinken. Vnd die zeýt hebt sich an an sant Urbans tag vnd wert bis̄ Bartolomej.

Von dem Herbst.

Die drit zeit ist d̄ herbst. d̄ ist kalt vñ trucken/da wechyt inn ein feuchtikeit heýst Melancolia. die ist auch kalt vnd trucken. Vnd geleychet sich d̄ erden. Zu d̄ selbē zeit sol man gūten wein trincken vnd essen koste die heýsser natur seý. Wenig sol mā zu adlassen. Saur tranck sol man mit trinckē. Wer gesund wölt sein d̄ sōlt im herbst mit mer dann ein mal des tags essen. Vnd die zeit hebt sich an an sant Bartholmeus tag vñ wert bis̄ auf sant Elementen tag.

Von dem Winter.

Die vierd zeit ist d̄ winter/d̄ ist kalt vñ feucht. vñ gleicht sich dē wasser. vñ wechyt

Der erst Teyl

durch die hÿren feuchte sol man mässiglich
trinken. Wein ist gesund vñ ymber ist gü
te zu essen vnd gesund. Dein tranck sol sei
rautten. lübsäckel. salua. pfeffer vnd Ym
ber soltu trinken in dem merzen so beleÿ
best du gesund.

Von dem Aprillen.

In dem aprillen sol man lassen zu adern
an wellichen enden es dem leyb gut ist. Do
soltu lassen/ on allein an der lüg adern. Dÿe
sol man niemant lassen rüen der meins ra
tes volgen will. Wer es darüber tüt d wirt
es gewar das es jm nÿmmer wol kompt.
Von der median sol mā lassen das ist in di
sem monat vil nützlich vnd bekümenlich.
Baden sol man oft. Gepratē fleisch soll mā
gern essen jm aprillen. Allerley hand jüges
flaisch ist gesund on allein junge väherlei
Saurē träck vñ fürbüg sol mā nemen. Vñ
erczney sol mā pflegen dē sein not ist. zu der
zeyt bekümet sy gar wol. Man sol auch trē
cken mässlichen. mā sol schrepffen vñ mit
köpffe lassē wid d3 kraczē. wēn des mēschē
plüt wechyt in d zeit. rautē vñ fenchelsamē

Das vff. **blat**

patonien vnd bibenel mit hönig temperie
ret od mit wein gesotten soll man nüchter
niessen durch den magen vnd durch den lei
be allen/wann das ist gar nütz vnnnd gar
heilsam zu der zeýt.

Von dem Mayen

In dem mayen sol man lassen zu aderen
an welllichem ende es not ist an dem leib. es
ist allermaist nütz das man laß an de bay
nen durch das das sich das plut zütal senck
et in der zeit vn samlet sich in die bain. **M**ã
söl sich auch hüten vor bösem flaisch. vnnnd
auch vor bösen vischen **M**ã sol nit vil wey
nes trincken. **M**an sol zu rechter zeýt essen.
Alle bad die seind dem leib gut. vnd besun
der würtzbad. **M**an sol nit zürnen/ wann
dauon wirt die vergicht. **M**ã sol nemē lau
tern wein vnd gayhmilch. vnd söl dz han
bte damit bestreichen vnd die prust/ dz istt
gar gesunde. **S**aure tranck fol man nãm
men vnd ertzneý pflegen der jr bedarf. **E**y
genmilch ist denn gesunt heilsaz vnd bekü
menlich zenüczē vn nüchter zetrinckē. wer
mit od menie/ garb. patonie. bibenel. fench

Der erst Tepl

el. lübsück. poley vnd yfopp die sol mā nü
ezen/das ist güet das mā die sied vñ trinck.
An d' haubtauß soltu lassen so ringert sich
das haubt vñ dz plüt. Des nachts soll mā
wolgedeckt sei vñ warem geben dē hertzē.

Von dem Brachmon

In dem Junio das ist der Brachmonat
mag man wol aderlassen wem es not istt/
Mā mag auch in disem monat wol erezney
pflegen die den leüten vñnd dem vihe gar
nütz ist. Vnd ist güet das man vor dem aug
sten dez leib helf. Man sol sich hüten dz mā
kein milch es sy sey dann gar güet vñ wol
gesotten. Käß sol man in der zeit wenig es
sen/wann er ist vnngesund. In disem mo
nat sol man sich hüten vor newem obs das
man es nit es. Ist das man obs yßt so soll
man zehand güeten wein darauf trincken/
so schadt es nit. Eppew saumen mit pfef
fer gemengtet sol mā nüchter essen dz ist gü
te vnd gesund. Vor jüngen pyrn hüt dych
wann es nit wol kömet in disez monat. es
ist schedlich. zu d' zeit sol mā nit frū anpeiß
sen. In disem monat sol man auch lantern

Das viii. blat

wein trincken das ist dan vil bekümenlich
Wein mit alant vnd mit lozbern gewermt
ist gesund zu trincken / das seübert die pru
ste vnd den magen. Man sol auch in dyssem
monat frū auf steen vnd zu mittag ein we
nig schlaffen. Man sol in kaltem wasser oft
baden. Dein tranck sol in disem monat sei
patonien. salua. sambobini. vñ zit war. vñ
dem soltu trincken wilt du gesund beleibe

Von dem Hewmonat

In dem Julio Das ist der Hewmonat.
Das der Augstmonat ist So heben sich an
die tag in dem sich ein yecklich mensch hü
ten sol / wann die tag seind gar ängstliche
das man sy nennet in d geschrift d ye huds
tag also besorcklich ist die zeit i disen tage
Man sol auch nit zu aderlassen noch geträ
cke nemen / wann es wär vil vngewärllich.
würde zu der zeit der magen vnd das hirn
Dye leber oder die lung. Oder das milcze
mit keynerley dng beweget als gar sorg
klichen ist es in disem monat So würd vil
leicht dē herczē vñ auch dē gāczē leib so eng
dz d mensch erstücken müßt. vñ gāhes tods

Der erst Teyl

ersterben. Darumb sol man nit geträck nā
men noch nit lassen dann nun in den baden
mit köpffen wem es not ist. In senften ba-
den mag man wol nüchter baden. Man sol
in disen zweyē monaten gar wenig weins
trincken durch die dürre des magens vnd
der lebern. Kalt wasser sol man nüchter trē-
cken alltag in disem monat wider die Co-
lera das man die vertreib. Vnd aller schla-
chte ding das da grün ist das sol man zu di-
ser zeit oft ansehen. das ist gut zu dez haubt
vnd zu den augē. Grüne farb ist allzeit gü-
te vnd gesund den augen. Darzu geschwō-
re sol man vertreyben in disez monat mit
guten salben. Nymmer nit in dez jar kömet
es also gern als in disem monat. Zautten
safft vnd Ysoppensafft vnd Eppensafft sol
man mit hōnig mischen. vnd sol den halß
vnd die kelen damit bestreichē / das ist gar
gut. In keiner weiß sol man die geschwōz
vnd die drüsen in disen zweyē monate auf-
stächen als lieb im sein leib vnd leben sey.
In aller maß sol mā sich hüten in disen mo-
naten. vnd allermaist vor bösen vischē die

Das ix. blat

In pfüezigen vnd faulen wassern seind an den yst man schier den tod. In disen monaten sol man kól vnd lattich vnd pappeln mit essen/wann sy haben aytter vnd vngiffte in in zu diser zeit. Es ist auch gutt das man in disen zweij monaten oft aß. salua.knoblach. vnd rohen speck/das ist nütze vnd gesund. Man sol auch wenige baden in dyßen monaten. Vm auch rautten.tillen. gamandriam. saluey. poley. venchelsamen. vnnnd lübstücksamen. liechte. benedicte od menie/ vnd sölt die mischen mit guten würczē die mit zu heiß seind. vnd mit süßem holcz vnd mit anis mit zucker gemischt vnnnd getempereiert. vnd sollt ein puluer od latwergen dauon machen. vnd sol das oft nützen So werestu dich wid die grossen hiez die in disen monaten ist. Vnnnd bist behüt vor aller hand vngesüchtikeit des leibs. vnd vor siechtumb die dir widfaren möchten in dyßer zeit

Der ander Augustmon.

In dem andern Augustmonat sol mā nitt aderlassen. vnd auch kein getranck nemen/ Man sol sich vor überessen vnd trinckē ser

Der erst Teyl

hüten vnd vor neuem obß. Man sol rosenwasser vñ baumöl vnd den taw in ekn glase wahren vnd sol daz zu samen mengen. vñ sol die prust damit bestreichen das ist zu diser zeit gut. Man sol gar oft in kalte wasser baden durch die grossen hiez/ wann hüt man sich nit vor der hiez. so erwallet sich dz hÿren das der mensch villedt möcht habtesiech werden. Poley. Hautten. Venchel. Epphe w. Soppen samen. Lorber. Alande vnd tü dar zu baumöl. Vnd daz sol man alles mit hönig durch einander temperieren. Vnd sol auch den ganzē leib damit beschmirben vnd auch bestreychen. Vnd das selbig bestreichen ist gar gesund für allerley vngemach vor newem met vnd neuē byeren soltu dich hüten. Eynamom soltu in diesem monat oft nützen. Kalte ding die von kalter natur seind die seind in dÿsem monat gut zu essen. als lattich vnd pfeffē trincken soltu. od menie benedictē. poley vnd wegpraÿte. das wiß fürwar das die zu diser zeit gar heilsam seind.

Der erst Herbstmonat

Das X blat

In dem ersten Herbstmon mag mā wol einem yecklichen menschen mit aller schlächter erezney helffe. wān aller frūchte würczen vnd saumen vnd alleerley ding zeitig seind. was man zu erezney über jar bedarff das sol vnd muß man allermaist in dýsem monat vnd in dem mayen gewýnnen. w3 in dez mayen an erezney versaumpt ist des mag man sich in disem monat erholen oð erfüllen. Tríncken soltu in disem monat tosten. malagranat / oder menie. Zýgermilch soltu messen die mert die das plüt vnnnd gewýnnst ein gute farb.

Der ander Herbstmon.

Vnd in Octobri in dez andern herbstmonat ist güt das man zu aderlaß vnd träck nām der sein bedarf. Man sol aber beware das man nicht zu vnfügklich der neüen frūchte nyess. Böses obs vnnnd ander dinge / wann daruon vylleychte dýe plasen erzprichet. Vnnnd das hyren also gesert würd das der mensch gar leichtgklichen vnd schällgklichen siech würd das er es nymer mer überwünde. Weinber seind den zeitig.

Der erst Teyl

zeniessen vnd most zetrincken / wann dauo
wirt der leib waich. Mörrätich vñ bibenel
ist gesund. Senf ist nütz in allerhand spey
se. vogel vnd wildprät ist zeýtig vnd gesü
de nägeln vñ zymmerind ist güet zenüczē.

Der erst Wintermon.

November ist der erst wintermonat. dar
inn sol ein yecklichs mēsch seins leibs pflē
gen mit ertznei. mit lassen. mit geträck ne
men wer sein bedarf. wann ein jeklich mē
sche sol sich dann warm halten gegen dem
froßt vnd der kelten die den krancken leü
ten gar schedlich ist. Lassen mag mā zu der
adern an wellichē enden es den menschē not
ist. Zygenmilch ist dann güet zeniessen vnd
gesund / wann dauon mert sich dz plüt. vñ
macht den leib gar wolgesar vnd gesund
vnd daz antlüz schön. wenig vnd selte sol
tu baden / wann in disem monat soltu sch
waissbaden meyden. In keinem monat du
rch daz gācz jar ist baden so vngesund als
in dē monat. Trincken soltu Cynamomuz
imber vñ garbe dz sei dei träck darā vñstu
gesütheit ob du die träckst stāt in dē monat

Das xi. blat

Der ander wintermon.

December ist der ander wintermonat dz dann der letst monat ist in dem jar. darinn sol man nit zu aderlassen / wann 8 mensche in disez monat aller mynst plüt hat mynder dann in keinem monat durch das gacz jar. Darumb ist es nit gut das man darin laß zu der adern. Ist sein aber not das man sein nit embern mag / so sol man wenig plüttes dauon lassen. Vnd an der haubtaderen ist es aller bekümelichest vnd nützlichest das man ein wenig plüt dauo laß. Köl sol man in disem monat nit niessen wän sy haben in der zeit vergift in in. Vnd ist vil schädlich als in dem augsten / darumb das der mensch ist in diser zeit on blüt. Vnd das er sein wenig hat. durch das sol man in disez monat nyessen Imber. galgā. zitwar. muscat. berram. vñ muscat plümen. cardomomen. nägelin. cubeben. cynamomū vñ and gut würcz. Man sol essen gepfeffert vñ gewürzte speiß. Muscat sol man oft niessen. wann die gibt guten geschmack vnd krefftiget das plüt vnd das hercz vnd allen leib

Das xij. blat

trucken vnd prauner farb Als man hernach
geschriben wirt vñden in yecklichē be-
sunder. Vnd von den vier elementen ist ein
yecklicher mensch beschaffen. Vñnd welli-
ches vnder den vieren an dē menschen mer
ist nach dē wirt d mēsch genatürt. also hat
er der erden mer so wirt er ein Melancoli-
cus vnd wirt gleich dē herbste vnd d erden
natur. hat er aber des wassers mer so wirt
er genennt Flegmaticus. vñ wirt gleicht
dē wintter vnd wassers natur. Hat er des
lusts mer so wirt er ein Sanguineus. vnd
wirt gleich dē lenczē. vnd ist des lusts na-
tur. Hat er des feürs mer so ist er ein Cole-
ricus vñ ist gesitt nach d natur vñ wirt dē
summer gleicht. Von dē vier cōplexiō ey-
genschaft soltu mercken. ¶ Zum ersten vñ
der edlen Sanguinea bei welichē zaichē du
die solt erkennen. vñ darnach die andern

¶ Von dem edlen Sanguineus.

¶ Ein sanguineus als vns schreibt Aristo-
teles ist ein mensch geschaffen von dē vñ ee
elementen/ da des lustes natur mer ist dan
des menschen natur. vñ ist warm vñ feucht

Der erst Teyl

wirt geleichet dē luft vnd lenczen. vnd ist die edleste vnd allen complexen. Der mensch d̄ der selben natur ist d̄ ist von natur d̄z er lieb hat vñ lieb wirt gehebt. Er ist mild zū erlichen d̄ngē. Er ist frōlich z̄mlich Er ist weyß vnd klüg auf erber sach. Er hat rote schöne farb. vnd singt wol. vnd ist leybig vnd faÿst nit zeuil. Er ist kün vñ mütig ze gūten d̄ngē. vnd ist gūtig vnd lind an d̄ haut. vnd stāt vnd vest an sein sachē. er ist nit schāmig vnd mag wol vnkeuschē Vñ begert sein vil/wān er ist warm vñ seÿcht er wirt gern wolgelect vñ weis. vñ machet gar edle kind vnd mer sūn dēn tōchtern. Er darf wol gūter hūt d̄z er sich vil ser hūt vor allen grobē d̄ngē. Vnd besunder vor allen hiezigen vnd seüchten d̄ngē.

Von dem Melancolico

Ein Melancolicus ist ein mensch geschaffen von vier elementen da der erden nature mer ist. vnd der mensch ist kalt vñ trucken vnd wirt geleich d̄ erdē vnd dē herbst. vnd ist die vnedleste complex. Der mensch d̄ der selben cōplex ist/d̄ ist gern kräck vñ geitig

Der erst Teyl

dann dye vndern. Er ist milt zu erbern dñgen vnd ist vnstät. Er begert vil zu halsen vnd mag wenig. Im ist not dz er sich hütet vor aller speiſſ die hiezig vnd truckē ſeind im ist gefund alles dz kalt vnd feücht ist.

Von dem Flegmatico.

Ein Flegmaticus ist ein mensch geschaffen von den vier elementen da des wassers natur mer ist. vnd d mensch ist kalt vñ feüchte. vnd wirt geleicht dē wasser vnd dez winter. d mēsch ist wasserfarb. hat vil flaiſches. hat kleine gelid. vnd ist zornige. Er yſt vil vñ trinckt wenig. träg. ſchlaft vil. hat waichs har. begert nit vil zu vnkeüſchen. vñ mag ſein vil. Im ist not zehütē vor allen kalten vnd feüchten dñgen. Im ſeinde gefund vnd nütz alles dz heiß ist vñnd trucken von natur.

Das ander büch vnd der andteil sagt von der ordnung der geſuntheit.

Der ander Teyl

Auicenna der grof maister gibt ein gemeyne nütze regel von dem schlaf vnd sprichet. So der mensch schlaffen wil so sol er das haubt vnd den hals vnd sunst sich überall gar warm zu decken. Vñ die prust vñ das haubt sollen höher ligen dann die niederen teyl des leibs. vnd das macht gar gute dāung in dem magen.

Von dem schlaffen.

An der sunnē schein schlaffen ist böß. vñ an dē mōn schein noch vil böser.

Das Capitel sagt nun wie man den leichnā purgieren vñ reinigē sol.

DArnoz ist geschriben wie sich der mēsch gesuntlich halte sol mit essen/ trincken vnd schlaffen. darnach ist nützlich ze wisen wie man den leichnam reynigen vnd von den überflüssigkeÿten lären vnd euacuiern sol. Als mit laxatiue dz ist mit austreÿben der erczney/ mit baden/ mit aderlassen/ von dē hernach von yede besunder geschriben steet. Vnd zum ersten von d erczney die da heist Laxatiua.

Der ander Teyl

würme vnd die dāung et w3 von dem bad gekrenckt ist. Vnd darumb soll man nach dem bad subtile vnd geringe speiß nyessen die leichtlich vnd gut zu verdeüen seind.

[Dz mā sich nach dē bad söl warm halte.

[Nach dem bad sol man dz haubt vnd dē ganzzen leichnam warm halten / wān d̄ye por3 noch offen seind. vnd die außwendig kelte geet hinein in den leichnā durch d̄ye selben löcher. vnd pringet oft grossen schaden. Auch wer das fieber oder dē fröret hat der sol nit baden.

Wie man sich in dem bad mit kalte vnd warmem wasser halten söl.

[Auch ist zewissen das man sich in dē bad mit kaltem wasser nit badē söl biß mā gar wol erschwiezet / das ist bis man schier wil außgeen / wenn das kalt wasser da an dem anfang des bades verstopffet denn d̄ye poros dz die überflüssikeit nit mag schwitzen herauß. Darüb so du in dz bad kömest so begeuß dich zestüd mit warmē wasser als warm du es leyden magst. dz öffnet die die löcher d̄ haubt poros genānt. so du auß dē

Das xxxi blat

bad wilt geen / so geuß dich mit küle wasser das nit zu kalt sey. als ein wenig küle od law. vnd das erfrischet die gelider des leychnams / die von der hiez wegen des bades gekrenckt seind. vnd krefftiget den leichnā vnd treibt die natürliche würm. die von der hiez des badens sich außwendig in den leichnam geteilt haben wid hinein. vnd da von werden gekrefftiget die innwendigen gelider als der magen vnd die andn. vnnnd krefftiget die natur das sy den bösen schwais treybt von dem herzen.

Ein gemeine kurzze ler von badē

Die maister geben ein kurzze ler von dem baden vnd sprechen. So du baden wilt so beweg dich vor vnd exercier dich mit spaciern ein gute weil bis das du erwarmest darnach so gee in daz bad. vnd beleib an einer külen stat. vnd erschwicz do. vnd lasse dich reyben vnd darnach giessen mit eym warmē wasser. darnach sicz an ein wermer stat jm bad. vnd darnach aber wermer / also nath einand je bas bis du gleich wol erschwiczest. vnd darnach wäsch dich mitt

Das xxxiiii blat

Wenn man nit lassen sol.

Auch ist mit fleisch zemercken das zestunden nach grosser arbeit vnd grosser hütze nach vnkeüsch vnd nach dem bad. vnd so der mensch latus ist gewesen. das ist so er vil stül gehebt hat mer denn sein tågliche gewonheit ist. vnd so sich d mensch geprochen hat. vnd nach grossen wachen sol niemant aderlassen/wann es pringt gar tötlichen schaden

In wölllichem alter man lassen sol.

Auch spricht Auicenna/das niemät lassen sol der vnd. xiiij. jaren ist.

Wenn es gesund sey.

Wer oder welliches d ye seind d ye ader lassen sollen. Davon spricht Almāsoz. Die mensche den jr adern vol seind vnd storczē vnd d ye menschen d ye prawn vnd rott seind. vnd vil flaisch habend. Vnd d ye menschen d ye vil vnd gewonlich fleisch essend vnd wein trinckend. Vnd d ye menschen d ye da gewonlichen vyl geschwōze vnd trūsen habend an den bainen oder sumste an dem leyb. Vnd die menschen d ye daz

e ij

Der Vierd Teyl

Wie lebt sich an dz vierd teil.
darinn man vündet wie man ein gesunden
menschen erkennen sol. Vnd ob er von übe-
rigem plüt siech sey. vnd wân ein mensche
ein grosse suchte bestan will. Auch so er den
frözer in einer suchte hat. vnd von dem ma-
gen/ wie sich speiß vnd tranck darinn ver-
wandlet. Auch vündet man darbey/ wie ai-
ner den haren vaben sol. vnnnd zü wellicher
zeit. Vnd was ein yeklicher haren bedeü-
tet. Desgeleychen der pulß. vnd das gelaß-
sen plüt.



Et hatt geschaf-
fen vier Element
Feüer. Wasser.
Luft. vnd Erdt
reich. Darauf al-
le menschen wer-
de getemperiert/
zusamen gefügt.
vnd gemacht.
vnd auch all frü-
chte/ dann söl-
t nun ein element
sein als daz
feüer. so möcht
vor hiez nicks
gewachssen.

Der Vierd Teyl

Wie oft man den harn vahlen sol.

Man sol den harn nit mer dann eins ma-
les vahlen in ein glas. Das man müg sehen
ob des vyl od wenig vom menschen gee/
wän ist sein zeuil das geschihet etwo in ei-
nem weetagen od in einer sucht dz die na-
tur die überflüssikeit von jr treibt. oder es
geschihet etwo in eym menschen d vil ystt
vnd trinckt. vnd wenig arbeit/ dauon sich
die feüchikeit vspannot. Darüb hand d ye
kind vil harns. Od es kömpt etwo wö krā-
ckheit der plater vnd d lend/ die den haren
nit mügē enthalten. ist aber des harns we-
nig/ das kömet von lüczel essen vñ trinckē
vnd wenig arbeÿten. Kömet auch etwen
von vil schwicze od überigē stülgang. den
wer vil zu stül gzet d hat lüczel harns. So
ein mensch siech ist. vnd vil trinckt. vñ ge-
et nit zestül. vñ schwiczt auch nit darnach.
das ist ein böß zaichen/ wenn es bedeüt krā-
ckheit des menschen vnd der natur/ darüb
d harn noch d schwaif nit vom mensche kö-
men mag. Oder bedeüt aber so grosse hÿcz
die dz plüt vñ die feüchikeit verzerent vñ

Der Viert Teyl

schmeckt/das kömet etwo von stinckend kost die man yßt od praucht.stincket aber der harn allweg/das bedeüt das die feuch- tikeit vnd das plüt im menschen allwegen faulet/dauon dan zeletst grosse sucht köpt.

Von der jungen kind haren.

Wann aber die jungen kind von nature feucht seind.vnd vil essend vnd trinckend. darumb sol jr harn vil sein vnd lauter. So sy aber zu xv.jar kömē so seind sy vñ heis- ser natur/so solt jr harn goldfar sein vnd schön. Aber d alte leüt harn sol weÿß vnd dünn sei/wān sy seind kalt vñ natur.auch durch verwandlung essens vnd trinckens so wirt ver wandlot d harn im mēschē/als so ein mensch heisse speiÿß yßt/od rotes trā tke trinckt/so wirt der harn auch destet rō- ter. Desgeleich so er yßt kalte speiÿß vñ trē- ckēt wasser: so wirt der harn destet weÿß- ser. Item von überigem baden arbeÿt vnd zoren.auch von außwendiger hiez wirt der harn auch destet rōter. Auch von überigem trincken wirt der harn rot vnd ungestalt: dz denn die ārczet wānen es sei von kräck

Das lxii. blat

heÿt wegen. vnd kan den siechtumb nit erkennen wol daruoz.

Von saystem nebligem harn.

Est der harn oben weiß. vnd schwebt ein nebel als ein spynnenwepp darauf sey/daz geschihet etwen das dz sayst vmb die nyeren schmilczt das die dorrent/so hat d' mensche nit die rechten hiez. Etwo köpt es von der schwindung vnd abnemen od' krankheit des menschen/als dann hat er am leib grosse vnreine hiez. vnd wann d' harn ein weyl steeet so köpt erst die sayste vnd d' nebel darauf. Köpt es aber von d' lende/so erscheint die sayste vñ stundē auf dē harn.

Vom wasserfarbē vñ dünnē harn.

Etwen geet d' harn zu wasserig vñ dünn. etwo trüb/dz köpt vñ vil essen vñ trinckē das man nit deüē mag. Kömpt es aber vñ siechtumb/das bedeüt krankheit d' lebern dauon kommet ein wetag in die gerechten seyten/vnd so nympt dann die leber vnna türlich hiez an sich als den ritten. Hat aber d' mēsch ein sucht. vñ ist d' harn weiß wasserig/dz bedeüt ein läge sucht vñ d' kelt. Ist

Der **N**ierd **T**epl

aber der mensch an der bekerung das d ha-
ren mit trüb ist an dē boden / das bedēüt das
d mensch anderweyß in die sucht wil fallē?
wann die sucht ist bej im beliben / dardurch
die trübe des horns sōlt sein von im kömē
den ist des menschen zefürchte vō d lēge des
siechtumb.

Von rotem. weyß-
sem. plaichem. oder von gelbem harn.

Etwen geet der harn rot. geel. weyß od
plaich vom menschen. vnd beleibt doch im
gelaß dünn Er ist auch etwo dick vñ wirt
dan dünn. Geet aber der harn dünn vō dē
menschen vnd wirt mit trüb. vnd ist d siech-
tumb groß in der sucht / das bedēüt ein lan-
gen siechtumb. vnd d3 sich die sucht weret
wid die natur. wirt aber der harn trüb vñ
senckt sich die trübe nider im harn / so krie-
get die natur mit der sucht / eint weder züm
leben od züm tod / od zü eym mittel als **E**s-
stantinus spricht. Zü ganzē gesunt zeühet
es sich so die trübe im harn weiß wirt Vñ
sich senstiklich an den pōden senckt. vñ sich
vnden praýtet. Aber zü ganzē übel so sich
die trüb zerplät. aber züm mittel so die trüb

Das lxiii. blat

wolckenfar wirt vnd grünsae/ dann so ist die sucht zefürchten. Merck eben Ye trater vnd schnäller sich die gelassen harn vñ wād len/ das er oben lauter vñ vnden trüb wirt ye ee der mensch gesund wirt.

Von weißem dickē stinckendē harn.

Ist das d harn weiß vñ dick wirt vnd stinckt/ das bedēüt den tod vñnd besund in einer sucht. vñnd so es mit von d platen kömet. Köpt es aber vñ d plater/ so ist jm vor nen jm leichnā wee. vñnd hat mit vil hiez. es bedēüt etwen krankheit d permüter/ dann sol aber d harn wān er ein weil gestat obē trüb werden vñ vnden dick. Etwo bedēüt es das sich die natur reiniget vñnd die sucht austreibt. vñnd besund ist d viertägig rýtt so sol des harn vil vñnd dünn sein. Ist er aber oben schwarz vñnd vnden dünn. Vñnd hat d mensch ein sucht vñnd wee des haubts so wil er sich bekehrn mit dē plüt d nasen.

Von weißem lauterm harn.

Ist d harn weiß vñnd lauter als wasser/ das bedēüt sucht des milczs. Dē ist wee in d linckē seyten. Es bedēüt auch das d harn

Der Nierd Teyl

ungedeüet ist vnd ein kalte natur des menschlichen. Ist aber der harn weiß vnd oben schwarzlot vnd pleyßar / das bedeüt wasser sucht. Ist er weiß vnd dünn / bedeüt d lend weetagen. Ist er weiß vñ dünn vnd vyl sayste vnd kleine ding als sand am boden ligen / bedeüt krankheit d platern / vnd dz er den harn nit vhalten mag. Ist er weiß vnd dünn in einer sucht. bedeüt langē sietch tagen von d kelte vnd ist zu besorgen.

Wō pleyßarbē harn in latein Liuidia
Lei harn heist zu latein Liuidia d ist pleyßar vnd oben schwarz / das kömet etwan von dreitägigē ritten d dann von kelt vnd außwendiger hiez kömet. Er bedeüt auch die rür. so sol des harn wenig sein. Vñ geet er vil zestul / so wirt des harns auch destee weniger / wann er geet etwen mit der rür. Hat er aber den ritten so ist sein wenig von hiez wegen / dardurch die feuchte vschwendet wirt. Auch wirt er etwo pleyßar vonn krankheit der lungen / das geschihet etwo von dē fluß des haubts der auf sy fleüst vñ so die lung zu vol fleüst / das erkenn also

Das lxiii. blat

Der harn ist oben schaumig vnd de siechē wee in der gelincken seÿten. Köpft es vō d leber/so ist d harn pleÿfar vnd dick/de ist i d rechten seÿten wee. Etwan wirt der harn pleÿfar von krankheit des gedärms. Das erkenn also. de ist vnd de nabel wee. Ist es von wüme/so hat er onmächikeit. vñ gri met in im leib. vnd sol d harn rot vñ trüb sein. Kömet es aber vō d rüt/so sol des haren wenig sein. Es bedeüt auch etwen eÿn geschwōz im arßdarm/das erkenn also. er mag vor d geschwulst nit zū stül geē noch geharn. Er wirt auch pleÿfar omb daz ein frau ires rechten zū vil od wenig hat. Also sol d harn dick sein. vnd vil trübs am poden ligen/so ist jr vnd de nabel wee. Köpft es aber von d plater/so ligt vil dings am podē als klei. Ist d pleÿfar harn bedeüt etwen den tod/vnd etwo nit. Sol aber der mensch genesen/so wirt d harn oben lauter vñ vnden trüb. Sol er aber sterben so wirt sein wenig vnd leütet sich nit.

Wō wolckenfarbē harn in einer such
Ist d haren wolckēfar in einer such/dz

Der Vierd Teyl

bedeut etwo den tod etwo nit. D3 leben be
deut er so d mensch schlaft. vnd bey sei syn
nen ist. vnd senft atmet. Hat er die syn nit.
vnd atmet trat vnsenft/ bedeutet den tod. ist
aber d harn wolckenfar vnd dick. vnd vil
sands am poden ligt/ bedeutet de stein. Ist er
aber also gestalt als klein sandt am poden
bedeut Colicam/ das ist ein sucht im vnd in
darm. Dñ ist etwo ein geschwer/ des erken
also an d geschwulst de tuit. das harn wee.
Etwo ist d harn wolckenfar. von d rür/ al
so ist er trüb vnd wenig. Ist er aber plaich
wolckenfar vnd pleyfar. vnd fert vil stau
kes darinn/ d3 bedeutet ein geschwörz im leib
Vnd bedeutet etwo die wassersucht.

Dom harn genant zu latein Zitina.

Ein harn heist Zitina. d sicht als ci mar
gramapffel schelf. Der bedeutet an eym jun
gen menschen ob er oben vil schaums hat/
ein sucht vmb die prust. vnd ein dürre des
leibs. Ist er aber dünn vnd schomhaft/ d3
bedeut ein sucht des milczs. hat er aber nit
vil schaums vnd sein vil ist/ bedeutet hörterig
keit im leib. mag d mensch nit zu stul geen.

Das hru blat

vnd ist die leber siech. Ist er aber zu dē erste
in der sucht also gestalt / so bedeüt er ein an
gste sucht. vnd ist des menschen zefürchten /
vnd verleürt etwo dye synn.

Von rotem harn.

Ist der harn rot als gold weder zedünn
noch zedick / dz bedeüt gesuntheit. Ist er ab
er rot vnd nit zu wenig in einer sucht / das
ist gut. Ist sein aber wenig. vnd die wolck
en darjnn schwarz / das ist tötlich. Ist er a
ber rot als plüt / so ist es aber tötlich. Ist er
rot vnd wenig in einer wassersucht / daz be
deüt den tod. Hat aber ein mensch vil überri
ger vnnatürlcher hiez. als in dē ritten. vñ
ist der harn dick vnd oben pleÿfar. vñ au
ch darjnn kleine weÿsse köznltn / das bedeü
tet einen tötlichen siechtumb. dē man dauō
nit gehelffen mag.

Vier dīng sōl man an dē harn merckē

Merck eben / ist das ein zürckel erscheint
jm harn vnd ist praÿt vnd dick vnd auch
wasserfar / das bedeüt ein siechtumb in dez
haubt vō kelte vñ von feuchte. Ist er aber
rot vñ dick / das bedeüt ein siechtüb vornē

Der Viert Teyl

in der sarnen von überflüssigem plüt. Ist er aber rot vnd klein/das bedeüt ein sucht in der rechten seyten von hiez vnd von dürrē. Ist er aber weiß vnd klein/so ist jm wee i der lincken seyten des haubts von hiez vñ von dürrē. Ist aber der zirckel pleyfar vnd schwarz/daz bedeüt ein krankhe sucht des hirns. vnd ist denn des menschen zefürchten vor dem tod. Verkert sich aber der zirckel i ein rote liechte schwarz/so ist sein aber zu fürchten. wirt aber der zirckel grün als ein gras/so ist sein zu besorgen das der mēsche von den sñnnen komme.

Vom harn darjn ein küggelin erscheit.
Ist das ein püllin oben erscheint jm haren als ein wasser darein es regnet vnd die trat zerget/das bedeüt ein langen siechtū be d lenden vnd böß wīnd jm leib. vnd ein krank haupt. Ist aber das in dem zirckel erscheint ein schaum klein als die körnlin/dz bedeüt ein haubtflusß auf die pruste oder auf die lungen. Vñ fleußt es auf die lunge so ist das wee in der gelincken seyten. fleußt es aber auf die prust/so ist jm wee vorne

Das lxvi. blat

auff der prust. Erscheinet aber do ein wolcken vornē auf dē harn als ein spinnēwep dz bedeüt ein kräckheit d̄ prust vñ d̄ lūgē?

Vom harn darauf vil schaums ist.

Ist allweg vil schaums auf dē harn/daz bedeüt ein krankheit der prust vnd ein h̄tze d̄ leber vnd ein prächen d̄ d̄arm. Ist der schaum gestalt als saffran/bedeüt die gelucht. Sihet mā aytter jm glas/bedeüt ein siechtagen d̄ lend od̄ plater. vnd söl d̄ harn stincken. vñ jm sol vnd dē nabel wee sei. kōmet es vō d̄ leber/so stinckt d̄ harn. vñ hatt wee in d̄ rechten seyten. Ist der harn trübe. als vil trüb̄s ding darinn wār vnd seinde oben in dem harn/das bedeüt einen siechtūbe vmb d̄ye prust. Beleybet aber die trüb̄ mitten jm harn. vnd geet nit gen boden/dz bedeütet einen siechtumb vmb den magen. vnd der d̄arm. Ist aber die trübe am podē vnd der harn rot/das bedeüt ein suchtt der platen vnd der lenden.

Von plütigem harn.

Sihet man plüt jm harn das kōmet ettwen von d̄ leber/so söl das plüt lautter sein

Der Vierd Teyl

vnd ist dem siechen wee in der rechten seyt
ten. Köpt es aber von der plater / so soll es
vnden an dem boden ligen. vnd sol stänckē.
Kömet es aber vō d ruck adern / So ist des
plütes vil. vñ ist lautter. vnd ist dē siechen
jm rucken wee.

Vō sandigē harn

Sihet man sand am pōdē ligen jm harn
das bedēit etwen den stein in d plater oder
lenden. Ist er in der plater / so ist d sand wei
se. Vnd wann man es mit vngern zerrei
bet / so ist es hör̄t. vnd ist der harn wolcken
far vnd trüb. Er köpt auch etwen von üb
riger hiez vnd dūre / oder vonn scharpffet
erczney / die in in dem leib zerfür̄t hat / oder
ob er sich mit frauen od andern dingen zer
prohen hat / So ist der sand so man in zer
reÿbt in den henden waich. Vnd sol den fra
gen ob es jm von hiez von frauē oder von
erczney kommen sey.

Von geschüptē od kleüwigē harn

Sihet mā schüppen od klein ding jm ha
ren / dz küpt etwo von eÿm geschwōz in d
plater / so sol jm vornen jm haubt wee sein
Etwo köpt es von bēser hiez od dūre / so

Das lxvii. blat

ist im übel zehelffen. vnd hat böß hiez dye
pryunt allenth alb im leib. Seind aber klei
ne kōrnlin im harn / daz kōmet von dre yēn
dingen. Etwo von fließen od grymmen in
dem leib / so sol der harn trüb sein. Etwē kō
met es von frauen. so sy kind tragend / So
seid die schüppeln od kōrnlin rot / so tregt
sy ein sun. seind sy aber weiß / so tregt sy ei
tochter. vnd sol der harn lauter sein. vn soll
jr vast gern vnwillen. Vnd werden jr die
prüst hert. vnd schlecht jr puls schnäll.

Hie vindestu von dem pulß
vnd von seiner aygenschaft.



En pulß soltu an siechen vnd
gesunden menschen also erken
nen / wann der arzt de pulße
will greiffen / das sol er an dez
lincken arm tūn / wann dz her
ze ligt an d gelincken seyten. Vnd sol des
siechen lincke hand in sein lincke hand nā
men / damit er sich nit vast pyeg. vnnnd den
arm gemächlich heben / das d puls nit gehi
dert werd. vnd dann mit der rechten hand
mit den fünff vngern auf die puls greiffen

Der Vierd Teyl

vnd sol mercken ob er bald od langfaz sch
laher/klein oder grof/kurtz oder lang. Ey
nen langen puls empfindet man vnd allen
vingern. Ein traeger pulß schlecht langfaz.
Ein grofse pulß erhebt all vinger. Ein klei
ner puls ist die man kaum greiffen vnd
empfinden mag.

Von mann vnd frauen pulß.

Die mann habend grofser puls dan dye
frauen. vnd die jungen grofser dann die al
ten. Der puls ist auch im Sumer schnaller
dann im wintter. vnd wer von natur heifß
ist vnd feucht/d hat ein grossen schnallen
puls. Vnd wer von natur kalt vn durr ist
d hat ein kleinen traegen pulß. Ist aber der
mensch heiffer vnd truckner natur/so ist
d pulß klein vnd schnall. Ist er aber kalter
vn feuchter natur/so ist d pulß traeg kurtz
vn grof. Wie ma de pulß greiffen sol.

So du den puls greiffest so soltu die hat
mit herab tun bisß sy hundert mal geschlagẽ
hab/wan d pulß ist etwan zum ersten kra
cke. vnd wirt darnach stark vnd das ist
ein gut zaihen/wann die natur sterckt vn

Das lyviii **blat**

der siechtumb mynndert sich. Ist aber d'ye
ader des ersten starck. vnd mynndertt sich
von schlag zeschlag / das ist ein böß zaichē.
wann die sucht nympt überhand vnd krē
cket die natur. **M**erck auch das man des
menschen kraft vindet an dem puls / wann
ist das hercz starck / so ist auch der puls star
cke. Ist aber das hercz des menschē kranck
so ist der puls auch kranck.

Was der puls an seym schlag bedeüt

Es spricht Egidius. Ist der puls grosse
vnd starcke an einem gesunden menschen
Das bedeüt gesuntheit des herzen. vnd ei
miltes fröliches mensch des gelider gesunt
seind. Ist aber der puls groß vnd schlecht
behend an einē siechen menschen / das bedeü
tet böse vnreynne hycz vnd merckliche krā
ckeht vnnnd beschwārnus aller gelyder.
vnd grossen vngemach vnd pherencknus
vmb d'ye pruht vnnnd auch vmb das hercz
Ist aber der puls an einem gesunden men
schen klein / daz bedeütet ain vast krancke
vnnnd auch kalte natur vnd abnemen des
leybes / vnnnd eyn trauriges hercz. Ist auch

may 23
calzom

paroy

Der Viert Teyl

Der puls klein in einem siechē menschen. dz ist ein böß zaichen. vnd besunder so d̄ mensche vnreynē hiez in jm hat / wann der siechtumb sterckt sich. vnd wirt die natur geschwecht vñ krenckt. Schlecht aber d̄ puls an einem gesunden menschen behend. vnd ist klein / das bedeut ein heÿsse durre natur. Vnd ist d̄ mensch gächzornig. des zoren ist schier hin. Ist aber der puls schnäll vñ trat in einer sucht. vnd hat der mensch vil hieze das bedeut ein sucht vnd krankheit d̄ pruste vnd des herzens.

Hie vindest du die aÿgen schafft an gelasnem plüt

Nimwar ist dz plüt so du gelassen hast mit schaum vmbgeben / so ist dz wee bei d̄ prust. Vñ ist d̄ mensch gern rüczig.

Von grünfarbem plüt

Ist dz plüt so du gelassen hast grünfar / so ist dz wee bei herczē. Vō gelbē plüt. Wirt das gelassen plüt bald gelbfar / so ist dem kranken das wee bei der leber.

Von dem schwarzen plüt

Das Lxix. blat

Ist dann daz gelassen plüt schwarz vñ hert. so ha tu es zu lang getragen.

Von rottem plüt.

Ist das plüt rot. vnd hat einen schwarzen ring. so ist der mensch im haubt kräck

Von herttem plüt.

Ist dz plüt hert vñ schwarz. vñ hat ein roten ring. so hat der mensch das gicht.

Von wässerigem plüt.

Ist das plüt schwarz vnd hat vil wassers oben. den selben menschen will das kalte gicht oder der ritt ankommen. Vnd ist aber das wasser vnden. so wirt der mensche wassersüchtig. Ist auch das plüt rot. Vnd hat wenig wassers oben. d' selb mēsch ist gesund.

Wz ein jeklich plüt bedeüt.

Ist ein plüt von wasser. daz bedeüt trückne des hertzens vnd des leibs. Vnd wirt d' mensch aussetzig. Ist es aber schwarz das bedeüt die groben vnuerdeüten feüchtikeit im leyb. Ist es aber plaitch. das bedeüt d' eckelt des hertzens. Gestet es aber bald darnach nach der aderlāß. das bedeüt ein warmen leib. Gestet es aber mit bald darnach.

Der Viert Teyl

so bedeu't es einen kalten leyb.

Wenn man das plüt
mit mer geen sol lassen.

Hastu gelassen vnd geet schwarz plüt von dir so hör mit auf bis es rot werd. Ist es aber vast dick so hör mit auff bis es dünn werde. Ist es aber dünn vnd wässertig So laß es vor dick werden.

Ein güten Triet machen.

Dyemantt wolt machen eyn triet das einen güten linden stü le machet die ei jecklicher mēsche er sey jung oder alle wol nemen mag on schaden. D nāz die hernach geschribne stuck darzu. Nym zwölff lot zuckers / ein lot ānß / ein lot ymber / ein lot langen pfeffer / ein lot rözlin / vñ vier lot senit. D yse stuck die soll man alle klein stossen yecklichs besunder. vnd dann alle durch einander müschen. vnd ein triet darauff machen Vnd wenn ein mensche ey nen senfften linden stül wöll haben od zwe der sol des aubents als er sich will schlaffen legen ein schnitten vonn einer semeln päen

Das lxv blat

lassen vnd dann das triet darauß säen. vnd
sol dann das also essen. vnd nicht mer dar
auff trincken. Vnd leg sich darauß schlaffē
so gewynnt dann der mensch an dem morz
gen ein oder zwen senfft stulgeng. Das ist
be wäret.

Item wer ein starcke purgacz oder für
bung haben wöll dye im fünff oder sechß
oder siben oder ächt stül pringet / der nāme
des Senit dester mer.

Für das fieber.

Item wer das fieber hat Der
sol mit grossem fleiß meÿde
in essen vnnnd in trincken allē
wein vnd vorauß dÿe starck
en wein. wann sy gebend alle
grosse hiez. Item wellicher mensch auch dz
fieber hat der sol nicht baden be y tötlichem
schaden. Er sol sich auch fleissigklichen hüt
ten vor allen hiezigen dingen vnd die ver
meyden / wann das gar schedlichen ist vnd
besorgklichen. Alles gewürcez wÿe das ge
nannt ist / wann das alles pringet hÿcze.
Er soll auch meÿden flaisch. aÿer. milch vñ

Der **V**ierd **T**eyl

auch muß außgenommen hãbzln müßlin mit essich vnd gersten. mit flayßchprũ vnd essich. mandelmüßlin. mandelmilch. junger hũner prũ mit schönem prot mag er essen. Man sol in auch mit übertreyben mit essen vnd mit trincken das mittel halt/ wã zu vil das pringet schade. zu wenig des geleythen/daz mittel daz halt/ so wirt er dester ee gesund. Item er mag wol niessen on alle forge zu einer außtreybenden erzney/wann er will Cassia Fistule mit gersten wasser durchgetrungen. Er mag nyessen margrã õpffel. holzõpffel. Pomeranczen. Zitrõn. Manus chrisi. Zucker rosat. Item er mag trincken gersten wasser. Mardistel wasser. Holzõpffel tranck. Erpsich tranck. Eyn gemacht schlehen. Das alles kület in vnd princhet im nicht schaden/dã die best erzney ist in dem vnd in andern siechtumben sich ordenlichen halten. vnd allzeit ein auffmerckung haben waz im wol od õbel zymme. Darmit endet sich dis vierd teil vnd das Regiment der gesuntheit.

Hienach volget das Register.



Ne lebt sich an dz Re
gister vnd die Capitel dyses
nachgeschriben büchllins genē
net Regimen sanitatis. Dz ist
von d ordnung d gesuntheit.

Zu dem ersten die vorred. als Job schrei
bet von den menschen die zu dem rechten en
de ires lebens das in got aufgesetzt hat mit
kommend. Such das an dem .ij. blat

Von den vier zeyten des jars / das ist vō
dem Gelencz. Summer. Herbst. vnd Wint
ter. wie man sich darinn halten söl .iiij.

Von den zwölff monaten / was darinnē
zethün oder zelassen sey v. blat

Wie ein yecklicher mensch von den vier
complexion geschaffen sey .xij. blat.



Als ander teil diß büchs sagete
von der gesuntheit als Anicen
na spricht an dem .xiiij. blat

Wie man sich vor dem essen
halten söl .xv. blat

Von feüchter. kalter. truckner. vnd saÿ-
ster speiß an dem .xviij. blat

Wz speiß dē menschen gesund sey .xviij

Von dez wein. vnd wie man sich mit dē

trincken halten soll. es sey mit wasser. wei.
pyer. mett. vnd allem getranck. Vnd wye
du ein yeckliche complexion in dem getra
cke erkennen sollt

xix. blat

Auch von der ordnüg des schlaufts tags
od nachtes vor dez essen/ oder nach de essen
auff wölllicher seyten. Vnd wie mā sich mit
dem schlaff halten sol

xxv. blat.

Wie vnd wann man baden sol. vnd wie
mā sich im bad vor vñ nach halte sol.

xxviij

Wie man sich in dem aderlassen halte sol
vor vnd nach. vnd wellichen menschen alte
oder jungen/ mannen oder frauen das ader
lassen güte sey Such an dem

xxxij. blat

Zu wellicher zeit vnd von allen adern ze
lassen/ woz nuzes vñnd gesuntheyt dau on
kommet an dem

xxxij. blat.

Von de vnwillen zum mund auß/ was
nuzes dauon kün. Auch von de Cristiern
güt vnderweyßung.

xlj. blat.



Er drit teyl saget von der Pe
stilenz/ wie man sich mit essen
vnd mit trincke/ auch mit ad
lassen vnd ertzneÿ zu der zeÿt
so dÿe pestilenz regniert be=

waren vnd halten soll.

xlviij. blat



In dem vierden teil vindet mā
auch wie man einen gesunden
menschen erkennen soll. vnd
ob er von überigez plüt siech
sey. Vnd wān einem mensche
ein grosse sucht besteen will. Auch so er den
frözer hat in einer sucht. vnd von dem ma-
gen/ wie sich speyß vnd tranck darinn ver-
wandlet an dem

.liij. blat.

Wie ein mensch den harn vahn sol. vnd
in welcher zeit. vnd was ein yeder haren
bedeütet. Des gleichen der puls vnd das
gelassen plüt an dem.

.lx. blat.

Hie endet sich das Register vnd büchlin
genannt Regimen sanitatis/ das ist/ wye
sich ein mensch halten sol das er gesund be-
leib. Vñ ob er krank wär vnderweyßung
vnd gütt ler auch heylsame ercney das er
wid zu gesuntheit komme. Getrucket vñ
vollendet in der keyserlichē stat Augspurg
vñ Antonio Sorg. Nach der menschwer-
dung Cristi. M. CCCC. vnd. LXXX. Jar.

4340
R.R.W.C. - cur

72 All. 4/4 T.

13745 P.M. 75
Lushuff 17
North Lee Workshops

L

1500



WZ 230 R3559 1490

Incan. 380

